


笑府序

古今來莫非話也話莫非笑也兩儀之混沌開闢列
聖之揖讓征誅見者其誰耶夫亦話之而已耳後之
話今亦猶今之話昔話之而疑之可笑也話之而信
之尤可笑也經書子史鬼話也而爭傳焉詩賦文章
淡話也而爭工焉褒譏伸抑亂話也而爭趨避焉或
笑人或笑於人笑人者亦復笑于人笑於人者亦復
笑人人之相笑寧有已時笑府集笑話也或閱之而
喜請勿喜或閱之而嘆請勿嘆古今世界一大笑府
我與若皆在其中供人話柄不話不成人不笑不成

話不笑不話不成世界布袋和尚吾師乎吾師乎

墨憨齋主人題

笑府



者夢得美酒將熱而飲之忽然夢醒乃大

不冷吃

馬者為人所欺以五十金易一馬驚甚不

堪策乃賃舟載馬而身跨其上既行里許嫌其遲

謂舟子曰我買酒請爾與我快些搖我要出一箇

轡頭

○有講文王囚羗里者師適赴召不竟其說一士快
々而歸愁容可掬中途友人問之對曰朝來吾師

清 墨憨齋主人題

說文王大聖人也爲紂所囚吾憐其無辜耳友曰
文王不久便釋非老于囚者士曰不愁不釋只愁
今夜獄中難過

○一人家貧不善飲每出止啖糟餅一枚即有酣狀適
遇友人問曰爾晨飲邪曰非也食糟餅耳歸以語
妻々曰便說飲酒也粧些門面夫領之及出遇此
友問如前以喫酒對友詰之曰熱喫乎冷喫乎答
曰燠的友笑曰仍是糟餅既歸而妻知之咎曰酒
如何說燠須云熱飲夫曰已曉矣再遇此友不待
問即誇云我今番的酒是熱喫的友問曰爾喫幾
何伸指曰兩箇

○三人同臥一人覺腿痒甚睡夢恍惚竟將第二腿
上竭力抓爬痒終不減抓之愈甚遂至出血第二
人手摸濕處認爲第三人遺溺也捉之起第三人
起溺而隔壁乃酒家捲酒聲滴瀝不止以爲己溺
未究竟站至天明

○有兄弟共買靴一雙兄日着以拜客赴宴弟不甘
亦每夜着之環行室中俄而靴敝兄再議合買弟
曰我要睡矣

○一人遠出囑其子曰如有人問備令尊可對以小
事出外請進拜茶又以其呆恐忘也書紙付之子
置袖中時取看至第三日無人來問以紙無用付

之燈火第四日忽有客至問令尊覓袖中紙不得因對曰沒了客驚曰幾時沒的對曰昨夜燒了

○父寫一字教幼兒明日兒在傍父適抹桌即以濕布畫卓上問兒不識父曰此吾昨所教汝一字也兒張目曰隔得一夜如何大了許多

○一富人素性好古或偽以舜所造漆碗周公槌伯禽之杖孔子杏壇所坐之席求售各以千金得之囊資既空乃左執虞舜之碗右持周公之杖披孔子之席行乞于市曰求賜太公九府錢一文

○一婿有呆名舅指門首楊竿問曰此物何用婿曰這樹大起來車輪也做得舅喜曰人言婿呆妄也

及至厨下見拈醬搗盆曰這盆大起來石白也做得適岳母撒一屁曰這屁大起來霹靂也做得

○刺俗

○鄉下親家新製佳釀城裏親家慕而訪之冀其留飲適親家往親母命子款待權爲荒榻留宿其親母臥房止隔一壁親家因未得好酒到口方在懊悶值親母桶上撒尿恐聲响不雅努力將臀緊徐々滴瀝而下親家聽見私自喜曰原來纔在裡面瀝酒哩想明早得嘗其味矣親母聞言不覺失笑下邊鬆動尿聲急大親家拍掌嘆息曰真是命窮可惜瀝酒揩袋又撐破了

○一貧士遇故人于途，故人已得仙術矣，相勞苦畢，因指道旁一磚，成赤金，贈之。士嫌其少，更指一大石獅，為贈。士嫌未已，仙曰：汝欲如何？士曰：願乞公此指。

○或誇某人好客，不減孟嘗門下三千，聞者慕其高義，往拜之。見門下寂然，無一人，問諸客何往，鄰家對曰：此際皆回家喫飯去了。

○有造方便，覓利者，遙見一人，揭衣，知必小解，恐其往，所對隣廁，乃偽為出恭者，而先踞其上。小解者果赴已廁，久之，其人不覺撒一屁，帶下小糞，乃大悔恨，曰：為小失大。

○有兄弟合種田者，禾既熟，議分之。兄謂弟曰：我取上截，爾取下截，弟訝其不平。兄曰：不難待，明年爾取上我取下，可也。至次年，弟催兄下穀，種兄曰：今年種了芋，乃罷。

○有于郊外見遺骸，暴露憐而痊之。夜聞叩門聲，問之，應曰：妃再問，曰：妾楊妃也，遭馬嵬之難，遺骨未取，感君掩覆，來奉枕席，因與極歡而去。鄰人聞而慕焉，恩遍，覓郊外亦得遺骸，痊之。夜有叩門者，問之，應曰：飛曰：汝楊妃乎？曰：俺張飛也，其人惧甚，強應曰：張將軍何為下顧？曰：俺遭關中之難，遺骸未取，感君掩覆，將以粗臂奉獻。

○有間漢咽糠而出遇大老官于舟次呼之喫飯曰
曉來喫狗肉已過飽有酒領一杯可也既飲忽吐
主人見之曰汝云喫狗肉如何吐出糠來乃睨視
久之答曰我是吃狗的思想這狗是喫糠的
○一人性最貪富者語之曰我白送爾一千銀子爾
與我打死了罷其人沉吟良久曰只打我半死與
我五百兩何如
○有掘地得金羅漢一尊者乃以手鑿其頭不已問
那十七尊何在
○一官府生辰吏曹聞其屬鼠贖黃金鑄一鼠爲壽
官喜曰汝知奶々生辰亦在日下乎奶々是屬牛

的

○一富翁世不識字人勸以延師訓子師至始訓之
執筆臨朱書一畫則訓曰一字二畫則訓曰二字
三畫則訓曰三字其子便欣然投筆告父曰兒已
都曉字義何煩師爲乃謝去之踰時父擬招所親
萬姓者飲令子晨起治狀久之不成父趣之其子
恚曰姓亦多矣奈何偏姓萬自朝至今纔完得五
百餘畫

○一武官出征將敗忽有神兵助陳反大勝官叩頭
請神姓名神曰我是堵子官曰小將何德敢勞堵
子尊神見救答曰感汝平昔在教場從不曾一箭

傷我

○甲曰家下有鼓一面每擊之聲聞百里乙曰家下有牛一隻江南喫水頭直靠江北甲搖頭曰那有此牛乙曰不是這一隻牛怎謾得這一面鼓

○一人被妻打無奈鑽在床下妻呼曰快々出來答曰男子大丈夫說不出來定不出來

○有病其妻之吃醋而相訴于友謂凡買一婢即不能容必至別賣而後已一友曰賤荆更甚豈但婢不能容並不許置一美僕必至逐去而後已傍又一友曰兩位老兄勸你罷像你老嫂還算賢慧只看我房下不但不容婢僕且不許擅買夜壺必至

槌碎而後已

○衆怕婆者相聚欲議一不怕之法以正夫綱或恐之曰列位尊嫂聞知已相約即刻一齊打至矣衆駭然奔散惟一人坐定疑此人獨不怕者也察之則已驚死矣

○甲乙俱懼丙乙往訴甲曰房下邇來作事更狠至晚馬桶亦要我掇甲攘臂言曰這箇忒難若是我言未畢甲妻背後大喝曰若是你便怎麼甲不覺下跪曰若是我就掇了

○一怕婆者婆既死見婆像懸于櫃前因理舊恨以拳擬之忽風吹軸動大驚忙縮手曰我是取笑

○有兄弟相約，今後說謊不許相訝。夕者罰東銀一兩。一日兄曰：前村井水極佳，昨夜有人盜此井去，爲人所覺，追逐之，其人棄于地，跌成三段。弟訝曰：那有此事？兄伸前罰弟約，明早備東，向午不至，兄往詢之，見弟尚未梳洗，問何故？答曰：昨夜有一怪事，弟婦腹痛，至夜半連養下十七八箇兒子，兄訝曰：那有此事？弟曰：準過罷。

○主人謂僕曰：汝出外須說幾句大話，裝估體面。僕領之，值有言：三清殿大者，僕曰：只與我家租房一般。有言：龍衣船大者，僕曰：只與我家帳船一般。有言：牯牛腹大者，僕曰：只與我家主人肚皮一般。

○鎮守大監觀風，出後生可畏焉。爲題衆俱笑，瑞問其故。教官稟曰：諸生以題目大難，求減得一字也。好瑞笑曰：既如此，減後字，只做生可畏焉罷。

○甲乙謀合本做酒，甲謂乙曰：汝出米，我出水。乙曰：米都是我的，如何算帳？甲曰：我決不欺心，到酒熟時，只逼還我這些水便了，其餘都是汝的。

○形體

○嘲近視詩云：笑君雙眼忒希奇，予立身邊問是誰。日透窓櫺拿彈子，月移花影拾柴枝。因看畫壁磨傷鼻，爲瑣書厨夾住眉。更有一般堪笑處，吹燈燒了嘴唇皮。

○某家設席，上坐者二人，一瞎左目，一瞎右目，已而有客近視者，至竟至前席，良久私問同席者曰：上席那濁面孔的朋友是誰？

○一稀鬍子要相而相士云：尊相雖不大富，亦不至貧。子曰：何以見得？相士曰：看公之鬍，比上不足，比下有餘。

○一近視出門，見街頭牛屎一大堆，認爲路人遺下的盒子，隨用雙手去捧，見其爛濕，乃嘆曰：好個盒子，只可惜漆水不乾。

○俗云：脚麻脚麻上鼻頭，謂以柴芒貼鼻端，即止一人遍貼額上，人問爲何，曰：我屁股都是麻的。

○聾啞二人各自諱，聾見啞者，懇其唱曲，啞者知其聾也，乃以唇開合而手爲按節狀，聾者側耳良久，見其唇止，即曰：久不聞佳音，今番更進。

○一聾者與衆人同坐，衆人有所見而笑，聾者亦笑，衆問之曰：汝何所見而笑？聾者曰：列位所笑不差，難道是騙我的。

○一近視迷路，見道傍石上棲歇一鴉，疑是人，也遂再三請之，少頃鴉飛去，其人曰：我問你不答應，你的帽子被風吹去了，我也不對你說。
○黃鼠遇狗，追趕即撒屁以觸其鼻，有雄鼠覓食，田間一犬逐之，鼠極力跑脫，至穴訴之，雌鼠雌鼠曰：

汝防身屁何在。日連撒數屁。彼全不理。雌鼠曰。我
知道了。是箇鼷鼻狗。

○有善屁者。往鐵匠舖打鐵。搭方講價。連撒數屁。匠
曰。撒屁直恁多。若能連撒百箇。我當白送一把鐵
搭。其人便撒百屁。匠乃打成送之。臨出門。又撒數
箇。乃謂匠曰。這幾箇小屁。乞戕幾隻。鉅頭釘。
○一人方陪客。偶撒一屁。愧甚。欲掩之。乃連以指磨
椅子。作聲。客曰。還是第一聲像。

○兄弟三人。皆近視。同拜一客。登其堂。上懸遺清堂
扁。伯曰。主人病恢邪。不然。何爲寫遺精室也。仲曰。
不然。主人好道。故寫道情堂耳。二人爭論不已。以

季弟少年。目力使辨之。季弟張目曰。汝二人皆妄。
上面那得有扁。

○有病死而冥王罰爲驢者。其人力辨得直。許復。故
形還魂。因行急。猶存驢卵。未變。旣醒。欲再往。懇復
全體。妻勸止之。曰。鬚鬮王不是好講話。約苦正着。
罷。

○昔有三人行。令要上山。見一古人下山。又見一古
人半路。見一物件。後句要總結。前後二句。一人曰。
上山遇見狄青。下山遇見李白。路上拾得一瓶酒。
不知是青酒。是白酒。一人曰。上山遇見樊會。下山
遇見趙盾。路上拾得一把劍。不知是快劍。是鈍劍。

一人曰上山遇見林放下山遇見賈島路上拾得
一個屁不知是放的屁鳥的屁

○眼與眉毛曰我有許多用處你一無所能反坐我
的上位眉曰我原沒用只是沒我在上看你還像
人哩

○一人項有懸疣因取涼夜宿神廟神問此何人左
右答曰穢氣穢者神命取其穢來其人失疣不勝
踴躍而出次日又一疣者聞其故亦往廟宿神問
之左右仍對如前神曰可將昨穢還彼

○顏淵子路與伯魚三人私議曰夫子惟鬚故開口
不脫乎字顏子曰他對我說回也其庶乎子路曰

他對我說由誨汝知之乎伯魚曰他對我說女爲
周南召南矣乎孔子在屏後聞之出責伯魚曰回
是箇短命的由是箇不得好死的也罷了你是我
的兒子也來嘲我

○或行酒令要嘿乾一客撒屁糾之曰不默其人欲
辨方開口復糾曰又不默

○腐流

○一師晝寐及醒謬言曰我乃夢周公也明晝其徒
効之師以界方擊醒曰汝何得如此徒曰亦往見
周公耳師曰周公何語答曰周公說昨日並不曾
會尊師

○夫子責宰予以朽木糞土宰予不服曰吾自要見周公如何恢我夫子曰日間豈是夢周公時候宰予曰周公也不是夜間肯來的人

○夫子設教于杏壇之上洙泗之濱方進午膳忽聞駒々斯睡之聲夫子驚而起曰斯何人也其回也與回也不惰殆非也其由也與由也好勇亦非也跡而視之則其人姓宰名予向在言語之科者夫子蹴之起跪而責之曰夏后氏以松可雕也殷人以柏可雕也周人以栗亦可雕也汝則朽木不可雕也數仞之墻可朽也及肩之墻亦可朽也即鯉之面墻猶可朽也汝則糞土之墻不可朽也吾將

以絕孺悲之瑟絕汝恐汝不悟吾將以和原壤之杖扣汝恐汝不疼必須以誅少正卯之刑誅汝方可以儆衆而力鋸又在魯庫之中吾今用何物誅汝乎用何物誅汝乎

○官值暑月欲覓避涼之地同僚紛議或曰某山幽雅或曰某寺清間一老人進曰山寺雖好總不如此座公廳最是涼快官曰何以見得荅曰別處多有日頭獨此處有天無日

○一先生講書至康子饋藥徒問是煎藥是丸藥先生向主人誇獎曰非令郎美質不能問非學生博學不能答上節鄉人雖難的是自然是丸藥下節

又是煎藥不是用爐火如何就麻焚起來

○孔子絕糧于陳命顏回往回國借糧以其名與國號相同冀有情熟比往通訖大怒曰汝孔子要讓夷狄恠俺回々連徐也罵着說回之爲人也擇賊乎糧斷不與顏子快々而歸子貢請往自稱平昔奉承常曰賜也何敢望回々群回大喜以白糧一擔先令携去許以陸續運付子貢歸述諸孔子孔子攢眉曰糧便騙了一擔只是文理不通

○一士死見冥王王忽撒一屁士即拱揖進辭曰伏惟大王高聳尊臀洪宣寶屁依稀絲竹之音彷彿麝蘭之氣王大喜命午頭卒引去別殿賜以御宴

至中途士願午頭卒謂曰看汝兩角彎々好似天邊之月雙眉爛々渾如海外之星卒亦喜甚扯土

○一秀才將試日夜憂鬱不已妻乃慰之曰看你作文如此之難好似奴生產一般夫曰還是你每生子容易妻曰怎見得夫曰你是有在肚裏的我是

沒在肚裏的

○有訓蒙者首教大學至於戲前王不忘句竟如字讀之主人曰誤矣宜讀作嗚呼師從之至冬間讀論語註雖古禮而近於戲乃讀作嗚呼主人曰又誤矣此乃於戲也師大怒訴其友曰這東家甚

難理會只於戲二字從年頭直與我拗到年尾
 ○有主人以米數石延蒙師與之約讀一別字罰米
 一升至散館計一年所讀退却僅存米二升主人
 取置案上師大失望嘆曰是何言與與是何言與
 與主人顧童子曰連二升一併拿進去
 ○一人衷妻母托館師作祭文乃按杏本誤抄祭妻
 文與之其人怪問館師曰此文是刊本定的如何
 得錯只怕倒是他家錯死了人這便不關我事
 ○一蒙師止識一川字見弟子呈書欲尋川字教之
 連揭數葉無有也忽見三字乃指而罵曰我着處
 尋你不見你到臥在這裡

○餘姚師多館吳下春初即到臘尺方歸本土風景
 反認不真偶見柳糸可愛向主人乞一枝寄歸種
 之主人曰此賤種是處俱有貴處寧獨無邪師曰
 做地是無葉的
 ○蘇人有二壻者長秀才次書手每薄次壻之不文
 次壻恨甚請試翁指庭前山茶為題咏曰據看庭
 前一樹茶如何遠限不開花信牌即仰東風去火
 速明朝便發芽翁曰詩非不通但純是衙門氣再
 命咏月咏云領甚公文離海角奉何信票到天涯
 私渡關津猶可恕不合寅夜入人家翁大笑曰汝
 大姊夫亦有此詩何不學他因請誦之聞首句云

清光一片照姑蘇，
講曰：此句差了，月豈偏照姑蘇乎？
須云：照姑蘇寺處。

○一道學先生在官時，馬廐焚，童僕共救滅之，回報道學問之，曰：傷人乎？對曰：幸不傷，但馬尾燒却了。些道學大怒，責治之，或請其罪，曰：豈不聞孔子不問馬如何，輒以馬對。

○方術

○冥王遣冥卒訪陽間名醫，命之曰：門前無冤鬼者，即是。每過醫門，冤鬼畢集，最後至一家，見門前獨鬼彷徨，曰：此可當名醫矣。問之，乃昨日新豎藥牌者。

○一醫生醫壞人，為喪家所縛，夜自脫，赴水遁歸，見其子方讀脈訣，遂謂曰：我兒讀書，尚緩，還是學游水要緊。

○一方士專賣迷婦人藥，婦着在身，自來與人私合，一日有輕浪子弟來買藥，適方士他出，其妻取藥付之，子弟就以藥彈其身上，隨婦至房，婦只得與伊交合，方士歸，妻以其事告之，方士怒云：誰教你就他妻，曰：我若不從，顯得你的藥不靈了。
○一人往觀武場，飛箭誤中其身，迎外科治之，醫曰：易事耳，遂用小鋸截其外，薛即索謝，辭云：問內截如何，答曰：此是內科的事。

○有留僧宿書房者，僧適病，迎醫視之，醫見精室，疑以爲房帷中也，及診脈，遂言輕事不調，及胎前產後諸症，僧揭帳視醫而笑，醫謂僧曰：「小舍々々，你莫笑，令堂的病凶在那裡。」

○樵夫擔柴，誤觸醫士，醫怒，欲揮拳，樵跪曰：「寧受脚踢，旁人訝之。」樵曰：「經他手，定是難活。」

○一醫止宿病家，夜半尿急，不便，乃出於一箱格中，閉之，晨起，主人請用藥，偶欲抽視，此格醫堅執不許，主人問：「是何藥？」答曰：「我自吃的補藥在內。」

○謬誤

○一人出令曰：「春兩如膏，或疑爲糕也。」曰：「夏兩如饅頭，或又疑爲夏禹也。」曰：「周文王像塔併。」

○有出外生理者，妻囑回時須買牙梳，夫問其狀，妻指新月示之，夫貨畢將歸，忽憶妻語，因看月輪，正滿，遂買一鏡回，妻照之，罵曰：「牙梳不買，如何反娶一妾？」母聞之，往勸，忽見鏡照云：「我兒有心費錢，如何娶個婆子，遂至許認官差往拘之，見鏡慌云：「如何就有捉違限的及審置鏡于案，官照見大怒云：「夫妻不知事，何必央脚官來講。」

○衆至，一家祝壽，飲酒間行，令各說壽字一句，一人
咳云：壽夭莫非命，衆譁曰：是何言也，以大錘罰之，
即曰：該死，該死。

○一僕隨主人應試巾箱偶墜，呼曰：頭巾落地矣，主
人曰：落地非佳語，宜呼爲及第，僕領之既捨，好
因復曰：今後再不及地了。

○貧家蓋藁薦，小兒子不知諱，父撻而戒之曰：後有
問者，但云蓋被，一日父出見客，而薦草掛髮上，兒
從後呼曰：且除面上被。

○一少年私鄰家之婦，聞叩門聲，知夫歸，追甚，婦議
以布囊盛之，懸于床側，夫聞及，則給以米，議定，啓

問納夫，夫見囊，覺其有異，問是何物，妻惶懼不即
對，夫勵聲再問，少年不覺于囊中，應曰：米。

○一家父子僮僕專說大話，每夕以朝廷名色自呼
一日友人來望，其父出外過，其長子曰：父王駕出
了，問及令堂，次子又云：娘在後花園飲宴，友見
說話僭分，含怒而去，途遇其父，乃以其子之言告
之，父曰：是誰說的，僕在後日，這是太子與鹿子說
的，其友愈惱，扭僕便打，其父忙勸曰：卿家不惱，看
寡人面上。

○一人見賣海獅者，喚住要買，問曰：許多錢，一斤賣
者笑曰：從來海獅是量的，其人即喝曰：這難道不

曉得問你幾箇錢一尺

○一人見以髮換糖者謂凡食皆可換也晨出藏髮一料以往遇酒肆因入飽餐々畢以髮與之肆備皆笑其人怒曰他人俱當錢用到我偏用不得邪爭辨良久肆備因搏髮亂毆其人徐理髮言曰整料與他不要倒在我頭上亂槍

○二醫同走見有携鰻及團魚賣者一醫指鰻云賣這條烏稍蛇與我一醫笑云鰻也認不出倒不如買了這穿山甲罷

○大夫欲娶妾妻曰一夫配一婦耳娶妾見于何典夫曰孟子云齊人有一妻一妾又曰妾婦之道自

古有之矣妻曰若這等說我亦當再招一夫々曰何故妻曰豈不聞大學中云河南程氏兩夫孟子中亦有大丈夫小丈夫

○一人說昨日某處天上跌下一個人來長一丈大二丈或問之曰亦能說話否答曰也講幾句話曰講甚麼話曰講夫語

○閨風

○有婚家女富男貧男家恐其賴婚也擇日率男搶女誤背小姨以出女家道呼曰槍差了小姨在背上曰莫聽他不差不差快走

○有嫁女于他鄉者歸寧母問鄉土相同否答曰只

有用枕不同吾鄉用在頭邊彼處用在腰裡
○一新嫁者途中哭泣甚哀轎夫不忍曰小娘子且
擡你轉去何如女應曰如今不哭了
○有客方飯偶談及絲瓜菜湯不如菜能壯陽已
而注人呼酒不至以問兒曰娘往園中去了問
何為答曰要拔去絲瓜種韭菜

○一人酒色過度而病醫曰此雙斧劈柴也今後須
戒妻從旁睨之醫會其意轉口曰即不能戒色亦

須戒酒病者曰色害勝酒還宜首戒妻曰先生的
好話不聽如何得病好

○一人命妻造鞋而小偏曰徐富小不小偏小在鞋
手上妻答曰你富大不偏偏大在脚上
○一人遇兩來船手托在窗檻外夾傷一指歸訴于
妻妻駭然囑曰今後遇兩來船切記不可解小便

○鐵匠柴行與樂戶三人言志鐵匠曰欲得屋大磁

石一塊不拘鋤頭斧頭自然都吸來不消買鉄柴
行曰欲得屋大琥珀一塊不拘茅草松籬自然都
吸來不消買柴樂戶曰欲得驢子大布袋一張不
拘了頭婆娘自然都吸來不消買粉頭

○王帝私行見夫婦行房者召土地問之答曰造人
問一年造幾箇答曰一箇曰既如此何消得這等
忙イソカシキ

○陽明先生讀書樓上聞樓下議陽物者或曰骨或
曰筋或曰是氣之升降先生拍案厲聲曰主氣之
說良是

○董永行孝上帝命一仙女嫁之衆仙女送行皆囑
付曰此去下方若更有行孝者千萬寄箇信來
○一人好于醉後近色或戒之曰大醉行房五臟反
覆此甚不宜答曰惟我不妨問何故答曰我每行
寔是兩度

○有新婦善屁隨嫁一嫗一婢囑以遮羞臨拜堂忽撒一屁右顧嫗曰這箇老媽少焉又一屁左顧婢曰這箇了頭少焉復一屁左右顧而嫗婢俱不在乃曰這箇屁眼

○女初出閨正哀哭聞轎夫覓杠不得乃帶哭曰我的娘轎杠在門角裡的

○夫婦同飯妻問曰韭菜有何好處汝喜食他夫曰

○食之此物如鐵棒一般的妻亦連食不已夫曰汝吃何用妻曰我吃了像鐵箍一般的

○雜語

○或問孔門七十二賢人已冠者幾人未冠者幾人答者曰已冠者三十人未冠者四十二人問何證曰論語云冠者五六人五六得三十童子六七人六七四十二人也又問那三千弟子後來都甚結果答曰時將戰國了二千五百都充了單去那五

百箇做了客商，又問何證，曰：論語註云：二千五百人爲軍，五百人爲旅。

○王帝修凌霄殿，偶乏用，欲將廣寒宮典與人，皇因思中人亦得一皇帝，方好，乃請竈君下界議價。既見朝朝中訝之，曰：天帝所遣中人何黑如此？竈君笑曰：天下那有中人是白的？

○魔王率鬼兵造反，觀音持淨瓶誦咒，諸鬼悉攝入瓶中，以符封口。魔王懼，請降，乃釋之。魔王問諸鬼曰：汝等在瓶中饑否？答曰：饑是小事，只是幾乎擠殺。

○官坐堂，衆人中撒一屁，官問甚麼响，拿過來，官稟

云：拿不着的。官曰：如何作弊？定要拿來。官將紙包一屎塊回云：正犯走了，拿得家屬在此。

○一富翁向人索債，倒持契書，其人笑之。翁怒曰：吾持與汝看，豈自看邪？

○有自負棋名者，與人角連負三局。他日人問之曰：前與某人較棋幾局？曰：三局。又問勝負如何？曰：第一局我不會贏，第二局他不曾輸，第三局我要和他不肯罷了。

○一人偶仆地方，起復跌，乃曰：早知還有一跌，不起來也罷了。

○老翁續娶一嫗，其子夜往竊聽，但聞連呼快舌爽

利子訝曰吾父高年尙有此老本事乎及細察之
乃是命嫗抓背

○偷兒入貧家徧摸一無所有乃唾地而去貧漢于
床上見之喚曰賊可爲我關了門去偷兒笑曰我
且問你關他做甚麼

○偷兒入一貧家其家止米一小甕置臥床前偷兒
解裙布地方取甕傾米床上人竊窺之潛抽其裙
去急呼有賊々應聲曰真箇有賊方纔一條裙在
此轉眼就不見了

○一匠人裝門門誤裝門外主人罵爲瞎賊匠答曰
你便瞎賊主人曰我如何瞎曰你有眼叫我這一

箇匠人

○有厨子在家切肉匿一塊于懷中妻見之罵曰這
是自家的肉何爲如此答曰我忘了

○一待詔初學剃頭每刀傷一處則以一指掩之已
而傷多不勝其掩乃曰原來剃頭恁難須得千手

觀音纜好

○賣耦者必以鍋底擲地作聲以明無損一人偶擲
地而破謂人曰如此等鍋就不賣與你了

○一酒客訝同席者飲啖太猛問其年以屬犬對客
曰早是犬若屬虎的連我也都吃下肚了

○一皮匠生乎止用皮底一雙凡替人靴出門必

落輒尾其後拾取以爲本錢一日尾之不獲泣曰
本錢送斷矣及歸見底已落戶內
○一僧讀齋字尼認是齋字因而相爭一人斷之曰
上頭是一樣的但下頭畧有些差
○有買糞干寺者道人索倍價買者訝之道人曰此
糞與他處不同尽是師父門春寔的
○貧漁夫婦于冬天以網爲被中夜以指透網外私
相謂曰如此寒夜虧那無被的如何熬過
○鳳凰壽百鳥朝賀惟蝙蝠不至鳳責之曰汝居吾
下何踞傲乎蝠曰吾有足屬干獸賀汝何用一日
麒麟生誕蝠亦不至麟亦責之蝠曰吾有翼屬干

禽何以賀與麟鳳相會語及蝙蝠之事互相慨嘆
曰如今世上惡薄偏生此等不禽不獸之徒真個
無奈他何
○有訟人咬去其耳者被告辨云是他自咬的與小
的無干吏在公座後杓已耳團々走轉官回頭見
之喝曰這是甚麼規矩稟曰小的在這裡詳情
○有借馬者束云生偶他往告借駿足一騎主人問
駿足何物對曰馬也主人曰原來畜生也有表號
○有夫婦聞河鮑甚盛謀買嘗之既治具疑其味毒
互相推諉久之妻不得已將先舉筋乃含淚謂夫
曰喫是我先喫了只求你看顧這兩箇兒女若大

起來教他千萬不要買河鮭喫
 ○一門客謂貴人曰昨夜夢公活了一千年貴人曰
 夢生得死莫非不祥麼其人遽轉口曰啐我說差
 了正是夢公死了一千年

笑府終

明治十六年九月廿四日出版御届

同年十月廿五日

編輯兼
出版人

東京府平民

森

仙

吉

神田區裏神保町八番地

芝三島町
神田區裏神保町八番地

鶴

聲

社

爾傳馬町一丁目

山

中

市

神田雉子町

叢

書

關

大阪備後町

巖

々

堂

尾州名古屋本町

岡

支

店

陸前仙臺本町

石

版

社



木

村

文

助

發兌書房





特41

4

東 京 圖 書 館

一 冊	一 號	七 〇 架	雜 各 日 類	漢 書 門
--------	--------	-------------	------------------	-------------

100732-000-3

特41-4

笑府

墨憨齋主人/編

M16

DBX-0032

